

**ქედის მუნიციპალიტეტის მიერ 2021 წლის შესყიდვების გეგმის
ფარგლებში განხორციელებული შესყიდვების ანგარიში**

ქედის მუნიციპალიტეტის მიერ 2021 წლის სახელმწიფო შესყიდვები განხორციელებული იქნა, სახელმწიფო შესყიდვების სააგენტოს თავმჯდომარის 2011 წლის 10 თებერვლის #2 ბრძანების „შემსყიდველი ორგანიზაციის ანგარიშგების წესის დამტკიცების შესახებ“ მე-4 მუხლის და 2010 წლის 20 სექტემბრის #7 ბრძანების „შესყიდვის ობიექტების იდენტიფიცირებისა და ერთგვაროვნების დადგენის წესის დამტკიცების შესახებ“ საფუძველზე რეგისტრირებული შესყიდვების გეგმის შესაბამისად. შესყიდვების გეგმაში ცვლილებების შეტანა ხდებოდა პერიოდულად ადგილობრივ ბიუჯეტში შესული ცვლილებების შესაბამისად, რის შედეგადაც ქედის მუნიციპალიტეტის 2021 წლის სახელმწიფო შესყიდვების გეგმამ საბოლოოდ შეადგინა 8620960 ლარი.

სახელმწიფო შესყიდვების განხორციელებისას განსაკუთრებული ყურადღება გამახვილებული იყო ისეთ მნიშვნელოვან საკითხებზე, როგორცაა შესყიდვების წლიური და ინდივიდუალური დაგეგმვა, დაგეგმვის პროცესში პასუხისმგებლობების სწორი გადანაწილება, მიწოდების ბაზრის კვლევა, საკვალიფიკაციო და ტექნიკური მოთხოვნების პროპორციულად განსაზღვრა და სპეციფიკაციების შემუშავება აღნიშნული ტექნიკური პირობების მომზადებაში ჩართული იყო მუნიციპალიტეტის მერიის ყველა სამსახური თავიანთი დარგობრივი ფუნქციების შესაბამისად.

2021 წლის განმავლობაში ბიუჯეტით გამოყოფილი ფინანსების შესაბამისად სახელმწიფო შესყიდვების განსახორციელებლად გაფორმებული იქნა სულ 250 ხელშეკრულება. სახელშეკრულებო ღირებულებამ შეადგინა 8588742 ლარი. აქედან ელექტრონული ტენდერებით გაფორმებული ხელშეკრულებების ღირებულებამ შეადგინა 8005963 ლარი, კონსოლიდირებული ტენდერით 230310 ლარი, გამარტივებული შესყიდვით 352469 ლარი საიდანაც სააგენტოდან მიღებული ნებართვით გაფორმდა 288560 ლარის ხელშეკრულება ხოლო მონეტარული ზღვრების დაცვით გახარჯული იქნა 63902 ლარი.

შესყიდვების სააგენტოს თანხმობით „გაფორმებული ხელშეკრულებების ღირებულების რაოდენობა სამართლებრივი საფუძვლების მიხედვით ასე გადანაწილდა სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად ჩატარების მიზნით გამარტივებული შესყიდვით განხორციელებული იქნა 2 ღონისძიება ღირებულებით- 205200 ლარი; ექსკლუზიური უფლებამოსილებით 2 ღონისძიება, ღირებულებით 83360 ლარი

2021 წელს სახელმწიფო შესყიდვების ერთიან ელექტრონულ სისტემაში საბოლოო სტატუსი მიენიჭა 167 ტენდერს რომელთაგანაც ხელშეკრულება დაიდო 120 ტენდერზე. არ შედგა-27, შეწყვეტილი იქნა-5 და უარყოფითი შედეგით დასრულდა 16 ტენდერი. აღნიშნული ტენდერებით გათვალისწინებული შესყიდვების განსახორციელებლად განმეორებით იქნა გამოცხადებული ტენდერები, და შესაბამისად შესყიდვის გეგმით გათვალისწინებული ყველა შესყიდვა სრულყოფილად იქნა განხორციელებული.

გამოცხადებული ელექტრონული ტენდერების საერთო სავარაუდო ღირებულებამ 8759676 ლარი, ხოლო, სახელშეკრულებო ღირებულებამ 8005963 ლარი შეადგინა

შესაბამისად, 2021 წლის შესყიდვების გეგმის ფარგლებში განხორციელებული ტენდერების საშუალებით ეკონომია გაკეთდა და დაზოგილ იქნა 753707 ლარი.

ჩატარებული ელექტრონული ტენდერების ძირითადი ნაწილი 6854308 ლარი მოდის ინფრასტრუქტურული პროექტების განხორციელებაზე, როგორცაა: მეწყერსაწინააღმდეგო ღონისძიებები, მოსახლეობის სასმელი წყლის წყალმომარაგებით უზრუნველყოფა, დაბის და ტერიტორიული ერთეულების ცენტრების კეთილმოწყობა, გარე განათების მოწყობა, ტურისტული ინფრასტრუქტურის განვითარება, შიდა-საუბნო სასოფლო გზების მოწყობა, მინი სპორტული მოედნების მშენებლობა და რემონტი და სხვა ღონისძიებები

ჯანმრთელობისა და სოციალური დაცვის მიმართულებით შესყიდვები განხორციელდა: სოციალურად დაუცველი ფენისათვის ყოველდღიური ერთჯერადი უფასო კვებით უზრუნველყოფად, „სოფლის მოსახლეობის ექიმამდელი სამედიცინო დახმარების“ და ფსიქიკური აშლილობის მქონე პირების „თემზე დაფუძნებული მობილური გუნდის მომსახურების პროგრამით გაიხარჯა სულ 226314 ლარი, შეჭირვებული მოსახლეობისათვის საცხოვრებელ სახლებზე ამორტიზირებული სახურავების შეცვლის მიზნით შესყიდული იქნა 100000 ლარის ღირებულების სახურავის თუნუქი და სხვა.

განსაკუთრებული ყურადღება ექცეოდა მიმწოდებლებთან გაფორმებული ხელშეკრულებებით გათვალისწინებული ვალდებულებების შესრულების კონტროლის და მონიტორინგის საკითხებს. ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე გამოყოფილი არიან პასუხისმგებელ პირები თავიანთი დარგობრივი ფუნქციების შესაბამისად, ხოლო საამშენებლო სამუშაოებზე შესყიდვის ობიექტის მიღება-ჩაბარებას და კონტროლს ახორციელებს ქედის მუნიციპალიტეტის მერის ბრძანებით შექმნილი კომისია. საანგარიშო პერიოდში ხელშეკრულებით გათვალისწინებული ვალდებულებების არაჯეროვნად შესრულების გამო ხელშეკრულება შეწყვეტილი იქნა 4 მიმწოდებელთან. სათანადო მოთხოვნების შესაბამისად საპროექტო-სახარჯთაღრიცხვო დოკუმენტაციის შედგენა ვერ უზრუნველყეს შპს. „ბაბლი“მ, შპს.„აჭარსპეცპროექტი“მ და შპს „G.I.B architecture“, ხოლო შპს „რაგი 444“-მა შიდა სასოფლო-საუბნო გზების რეაბილიტაციის სამუშაოები ბოლომდე ვერ დაასრულა, რის გამოც მათთან შეწყვეტილი იქნა ხელშეკრულება, გავრცელდა კანონმდებლობით გათვალისწინებული სანქციები და შავ სიაში რეგისტრაციის მიზნით დოკუმენტაცია გადაიგზავნა შესყიდვების სააგენტოში.

ხელშეკრულებებში განხორციელებული ცვლილებებით 2021 წელს დადებული ხელშეკრულებების თავდაპირველი ღირებულება 8588742ლარი შემცირდა და შეადგინა 8339419 ლარი. განსაკუთრებით ეს აისახა კულტურულ და სპორტულ ღონისძიებებზე, რომელთა დიდი ნაწილი პანდემიასთან დაკავშირებული შეზღუდვების გამო არ შედგა.